



*Bigarren Lehendakarioordea eta Lan eta Enpleguko Sailburua  
Vicelehendakari Segunda y Consejera de Trabajo y Empleo*

**AGINDUA, BIGARREN LEHENDAKARIORDE ETA LAN ETA ENPLEGUKO SAILBURUARENA, 2021EKO APIRILAREN 21EKOA, ZEINAREN BIDEZ ALDATZEN BAITA BIGARREN LEHENDAKARIORDE ETA LAN ETA ENPLEGUKO SAILBURUAREN 2021EKO APIRILAREN 20KO AGINDUA, EUSKAL AUTONOMIA ERKIDEGOKO SEKTORE PUBLIKOAN 2021EKO APIRILAREN 22RAKO DEITUTAKO GREBAK DIRAUEAN BITARTEAN GIZARTEARI EMAN BEHARREKO FUNTSEZKO ZERBITZUAK MANTENDUKO DIRELA BERMATZEN DUENA.**

ELA, LAB, CCOO, STEILAS, SATSE eta ESK sindikatuek 2021eko apirilaren 22rako deitutako greba dela eta -greba horrek eragina du Euskal Autonomia Erkidegoko edozein administrazio publikotan, erakunde publikotan, enpresa publikotan eta partzuergotan lan egiten duten langile guztiengan (lan-kontratukoak, estatutupekoak eta funtzionarioak)-, Agindua eman du 2021eko apirilaren 20an Bigarren lehendakarioordeak eta Lan eta Enpleguko sailburuak, deitutako grebak irauten duen bitartean gizarteari oinarrizko zerbitzuak emango zaizkiola bermatzeko.

Agindu horretan, hezkuntza-sektoreari dagokionez, haren azalpen-zatian, hezkuntzarako eskubidearen funtsezkotasunarekin batera, eskola-jantokien zerbitzua eta ikastetxeen garbitasuna bermatzeko beharra jasotzen da. Zehazki, honako hau adierazten da:

*“Jangela zerbitzuari dagokienez, zerbitzu horiek funtsezkoak dira, ukitutako eskubideak ere funtsezkoak direlako —hezkuntza eta haurren eta nerabeen babes eta garapen integralarekin zerikusia duten eskubideak—. Horrela jasotzen da Estatuaren araudian: 1/1996 Lege Organikoa, urtarrilaren 15ekoa, Adingabearen Babes Juridikoari buruzkoa eta Kode Zibila eta Prozedura Zibilaren Legea partzialki aldatzen dituena. Euskal Autonomia Erkidegoaren eremuan, berriz, hemen jasotzen da: 3/2005 Legea, otsailaren 18koa, Haurrak eta Nerabeak Zaintzeko eta Babestekoa. Jurisprudentziak berretsitako alderdiak, Auzitegi Gorenaren aurreko aginduetan behin eta berriz adierazitakoak: Auzitegi Gorenaren 1994ko maiatzaren 20ko epaia, eta Auzitegi Gorenaren 2009ko apirilaren 14ko epaia. Epaia horietako lehenak honako hau ezartzen du: «ikasleei eguerdian bazkaria erabat*

*kentzeak osasunerako eta hezkuntzarako eskubide konstituzionalak urratzen ditu». Era berean, Euskal Autonomia Erkidegoko Auzitegi Nagusiak, lurralde-deialdien aurrean, funtsezko izaera hori aitortu du (ikus 2010eko abenduaren 22ko eta 2011ko urtarrilaren 13ko epaiak).*

*Garbiketa-zerbitzuei dagokionez, Haurren Eskubideei buruzko Nazio Batuen Hitzarmenak (Espainiako Estatuak 1990eko azaroaren 30ean berretsia) 24. artikuluan xedatzen du haurrek eskubidea dutela ahalik eta osasun-mailarik onena izateko, eta horretarako oinarrizkoak direla higienearen arloko neurriak, ingurumen-osasunari lotutakoak eta istripuei aurrea hartzekoak. Hori dela eta, haurrek egunaren parte handi bat greba-deialdiak eragindako ikastetxeetan igarotzen dutenez, neurriak hartu behar dira zentro horietan gutxieneko higiene- eta osasungarritasun-baldintzak betetzen direla bermatzeko, haien osasuna, hazkuntza eta garapena arriskuan jar ez daitezen, eta bereziki kontuan izanik ume txikienek ezagutza-gaitasun txikiagoa dutela higieneari buruz.*

*Gainera, eta gaur egungo osasun-larrialdiko egoeran, garbiketak garrantzi berezia du kutsatzeak saihesteko. Hori horrela, arlo horretako jarduera bereziak ezartzen dira lehen aipatutako protokoloetan, eta, ondorioz, ohiko garbiketa-zerbitzuak indartu behar dira zentro horietan”.*

*Gainera, azalpen-zati horretan, aurrekoentzat gutxieneko zerbitzuak ezartzeko beharrari buruzko justifikazioa jasotzen da, eta berariaz adierazten da:*

*“Jangela-zerbitzuari dagokionez, beharrezkotzat jotzen da, aurreko deialdietan emandako Oinarrizko Zerbitzuen Aginduetan ohikoa den bezala, hezkuntza-etaparen araberako aldeak ezartzea. Beraz, jantoki-zerbitzua bermatuko da, erraz egiteko moduko elikagaiak prestatuz, bai zentroetan bertan, bai zentroek azpikontrataturako enpresen sukalde nagusietan. Azken kasu horretan, bermatu egin behar da haien banaketa. Horretarako, egokitzat jotzen da greba honetan gutxieneko zerbitzu gisa sukaldeko langileen eta begiraleen %10 ezartzea haur-hezkuntzako etaparako, eta ehuneko hori handitu egingo da hezkuntza-premia bereziak dituzten lehen zikloko ikasleen kasuan.*

*Garbiketa-zerbitzuari dagokionez, ikastetxeetan koronabirusaren aurrean jarduteko protokolo orokorrak ezartzen du pertsonekin kontaktuan dauden gainazalak garbitzea eta desinfektatzea ohikoa izan behar dela kutsatzeak saihesteko, eta, beraz, higiene- eta garbiketa-neurriak areagotzea ezinbestekoa dela.*

*Gainera, EAEko ikastetxeetan COVID-19arekiko esposizio-arriskuari buruzko lan arriskuen prebentzio-neurrien dokumentuan ondorioztatzen denez, garbiketa-protokolo bat ezarri behar da ikastetxeetako kontingentzia-planak egiteko, zeinak honako ohar hauek jaso behar baititu:*

- *Erabiltzen diren gelak garbitzea, gutxienez egunean behin, eta behar duten espazioetan garbiketa areagotzea, erabileraren intentsitatearen arabera; adibidez, komunak egunean hiru aldiz garbituko dira gutxienez. Hor bildurik dago mahai, aulki, tresna eta lan-ekipoen gainazalak garbitzea.*
- *Arreta berezia eskainiko zaie erabilera arrunteko eremuei eta ukipen-azalera ohikoenei, hala nola ate-helduleku, mahai, altzari, eskubanda, zoru, telefono, esekigailu eta antzeko ezaugarriak dituzten beste elementu batzuei.*
- *Garbiketa-neurriak, hala badagokio, langileen eremu pribatuetara ere zabalduko dira; esaterako, atsedeen-eremuetara, aldageletara, armairuetara, komunetara, sukaldeetara (baxera, mahai-tresna eta edalontzi guztiak ontzi-garbigailuan garbituko dira, baita erabili ez dena ere, ikasleen eskuekin kontaktuan egon dela iritzi gero).*
- *Halaber, txanda-aldaketa bakoitzean eta lanaldia amaitzean, partekatutako lanpostuak garbitu eta desinfektatuko dira, eta garbiketa-produktuari jarduten utziko zaio, arreta berezia jarriz altzariei eta eskuztatu daitezkeen beste elementu batzuei, batez ere langile batek baino gehiagok erabiltzen dituztenak. Partekatutako ordenagailu bat erabiltzen amaitzean, teklatuaren, saguaren eta pantailaren gainazala garbituko da gel desinfektatzailez.*
- *Fisioterapeutek, garbiketako arduradunek, arropa eta pixoihalak aldatzen dituztenek eta, oro har, ikasleei laguntza ematen dieten langileek erabilitako eremu osoa garbitzen saiatu beharko dute erabili ondoren.*
- *Desinfektatzaileak baliatuko dira, hala nola lixiba-diluzio prestatu berriak (1:50), edo osasun-agintariak baimendu eta erregistratutako birusen aurkako efektudun desinfektatzaileetako edozein. Produktu horiek erabiltzean, etiketaren eta segurtasun-fitxaren oharra errespetatuko dira beti.*
- *Garbiketa bakoitzaren ondoren, modu seguruan bota behar dira erabilitako materialak eta erabilitako babes-ekipamenduak, eta ondoren eskuak garbitu.*
- *Kontu handia hartu behar da paperontzien garbiketarekin, garbi eta materialak bilduta gera daitezkeen eta ez dadin gertatu halabeharrezko kontakturik.*

*Neurri horiek betetzeko, garbiketa-zerbitzuan aritzen diren ohiko langileen ehuneko jakin bat ezarri behar da. Egungo egoera ikusita, ezinbestekoa da ohiko langileen %100 bertaratzea”.*

Hala ere, Aginduaren ebazpen-zatiaren bosgarren puntuan, hezkuntza-sektorean bermatu behar diren zerbitzuak eta horretarako behar diren langileak ezartzen dituen horretan, ez da jaso hezkuntza-zentroetarako jantoki-zerbitzua eta garbiketa-zerbitzua, zerbitzu hori greba-deialdiak eragindako langileek ematen dutenean.

Lan eta Enplegu Sailaren egitura organikoa eta funtzionala ezartzen duen urtarrilaren 19ko 7/2021 Dekretuaren 3. artikulua titularrari esleitzen dizkio irailaren 6ko 18/2020 Dekretuak (Euskal Autonomia Erkidegoaren Adminiztrazioko sailak sortu, ezabatu eta aldatzen dituen eta horien egitekoak eta jarduarloak finkatzen dituen) lan-legeria betearaztearen arloan bereganatutako eskumenak. Zehazki, 2.j) atalaren arabera, zerbitzu publikoak edo premia bizia eta atzeraezina duten zerbitzuak ematen dituzten enpresa, erakunde eta instituzioei eragiten dieten greba-eskubidea egikaritzen den kasuetan, erkidegoaren funtsezko zerbitzuei eutsiko zaiela bermatzeko behar diren bermeak ezartzeko eskumena dagokio, ekainaren 11ko 139/1996 Dekretuak eskuordetutako eskumena.

Horregatik guztiagatik, Bigarren Lehendakariordea eta Lan eta Enplegu sailburuak, Eusko Jaurlaritzaren ordezkariak jasota, honako hau,

### **EBAZTEN DU:**

**LEHENENGOA.-** Bigarren Lehendakariorde eta Lan eta Enplegu sailburuaren 2021eko apirilaren 20ko Agindua aldatzea, zeinaren bidez bermatzen baita Euskal Autonomia Erkidegoko sektore publikoan 2021eko apirilaren 22rako deitutako grebak irauten duen bitartean gizarteari eman behar zaizkion funtsezko zerbitzuak mantenduko direla. Aldaketak honakoak dira:

**1.-** Hezkuntza sektoreari buruzko BOSTGARREN EBAZPEN-ZATIAN, 4. puntua gehitzea, honela idatzita:

*“4.- Jantoki-zerbitzua bermatuko da, zerbitzu hori grebara deitutako langileekin ematen den ikastetxeetan, erraz prestatzen diren elikagaiak prestatuz. Aurreko eginkizunak sukaldeko langileen %10ek beteko dituzte. %10a pertsona bat baino gutxiago bada, pertsona horrek ezarritako gutxieneko zerbitzua egin beharko du.*

*Ikasleei jaten emateko, erabili eta botatzeko materiala erabili beharko da eta jantokia garbitzeko garbiketa-zerbitzuari buruzko 8.atalean ezarritakoa bete beharko da.*

*Ikasleei laguntzeko eta jangelak irekita edukitzeko, langile horiek arduratzen diren bitartean, monitoreen eta/edo monitoreen portzentaje hau ezarri da, hezkuntzako ziklo eta etapen arabera:*

*4.1. Haur Hezkuntzako ikasleak (1. zikloa: 2 eta 3 urte):*

- Monitore bat 2 urteko geletako 9 mahaikide bakoitzeko*
- Monitore bat 3 urteko geletako 15 mahaikide bakoitzeko*

*4.2. Haur Hezkuntzako ikasleak (2. zikloa: 4 eta 5 urte):*

- Ikastetxeko begiraleen %10. %10 hori pertsona bat baino gutxiago bada, pertsona horrek ezarritako gutxienerako zerbitzua egin beharko du.*

*4.3. Hezkuntza premia bereziak dituzten ikasleak: haien elikadura beharrak asetzeko behar den gutxienerako monitore kopurua.”*

**2.-** Aipatutako bosgarren ebazpen-zatiko 4., 5. eta 6. puntuak berriz zenbakitzea; horiek 5., 6. eta 7. puntuak izango dira, hurrenez hurren.

**3.-** Hezkuntza sektoreari buruzko BOSTGARREN EBAZPEN-ZATIAN, 8. Puntua gehitzea, honela idatzita:

“8.- Garbiketa- 5mano hi5 ematen duten ikastetxeak 5mano hi hori grebara deitutako langileekin egingo dutela bermatzen da, ohiko garbiketa eta ikastetxeetako Kontingentzia Planetan jasotako gomendioak betetzea barne, argitaratutako osasun-gomendioei jarraiki. Lan horiek, 5mano hi horiek 5mano hi dituzten langileen %100ek egingo dituzte, eta haien lanaldia ez da inoiz ohiko lanaldia baino luzeagoa izango”.

**4.-** Gainerakoan, 2021eko apirilaren 20ko Aginduak indarrean jarraitzen du.

**BIGARRENA.-** Jakinaraz bekie agindu hau grebaren deialdia egin duten erakunde sindikalei eta administrazio publikoei, bete dezaten eta argitara dadila Lana eta Enplegu Sailaren webean denon ezagupenerako.

**HIRUGARRENA.-** Agindu honen berri eman behar zaie interesdunei, betiere Administrazio Publikoen Administrazio Prozedura Erkidearen urriaren 1eko 39/2015 Legearen 40. artikuluan xedatutako moduan; halaber, ebazpenak administrazio-bidea agortzen duela jakinarazi behar zaie, eta horren aurka administrazioarekiko auzi-errekurtsoa jarri ahal izango dela Euskal Autonomia Erkidegoko Justizia Auzitegi Nagusiaren dagokion Salan, Ebazpena jakinarazten denetik kontaktzen hasita 2 hilabeteko epean, Administrazioarekiko Auzien Jurisdikzioa arautzen duen uztailaren 13ko 29/1998 Legean xedaturikoaren arabera.

Era berean, eta Administrazio Publikoen Administrazio Prozedura Erkidearen urriaren 1eko 39/2015 Legearen 123. eta 124. artikuluetan aurreikusitakoari jarraikiz, honako hau ere jakinarazi behar zaie: agindu honen aurka aukerako berraztertze errekurtsoa aurkez daitekeela lan-agintaritzan, agindua jakinarazi eta biharamunetik kontaktzen hasita hilabeteko epean.

Vitoria-Gasteizen, 2021eko apirilaren 21ean.



**Idoia Mendia Cueva**

**BIGARREN LEHENDAKARiorde eta  
LAN eta ENPLEGUKO SAILBURUA**